



@VisitOsteroy

LOKALE RETNINGSLINJER FOR ETABLERING AV FLYKTNINGAR



Innhold

1.0 Innleiing	3
2.0 Etableringsstønad	3
2.1 Møblering	3
2.2 Kjøkkenpakke	3
2.3 Hygienepakke og vaskepakke	3
2.4 TV og mediemøblar	3
2.5 Klede, barnehage- og skulepakke	4
3.0 Ventestønad	4
3.1 Livsopphald	4
3.2 Husleige og straum	4
3.3 Barnehage og SFO	4
3.4 Internett	5
3.5 Stønad til transport	5
3.6 Stønad til lege og medisin	5
3.7 Stønad til høgtid, ferie, dåp og konfirmasjon	5
3.8 Stønad til innbuforsikring	5
4.0 Stønader medan ein er deltakar i Introduksjonsprogrammet	5
4.1 Introduksjonsstønad	5
4.2: Barnetillegg	6
4.3: Stønad til transport	6
4.4: Stønad til fritidsaktivitet	6
4.5: Stønad til tannlege	6
4.6 Stønad til optikar	7
4.7 Omsetjing av dokument	7
4.8 Stønad til kurs	7
5.0 Saksbehandling	7



1.0 Innleiing

Retningslinjene regulerer økonomiske stønader for nybusette flyktningar i Osterøy kommune i etableringsfasen, i perioden før dei har rett på integreringsstønad (kalla ventestønad) eller utfyllande stønader hjå NAV, samt deltakarar i introduksjonsprogrammet.

2.0 Etableringsstønad

Støtte til etablering vert gjeve til flyktningar ved førstegongs busetting i kommunen.

Flyktningar som har motteke støtte til etablering i annan kommune, og barn som er født etter busetting, har ikkje rett til etablering. Unnateke er dei tilfella der mor er gravid ved busetting, og har termin før det har gått 6 månader etter busetting. Barn som er busette saman med foreldre, og som seinare flyttar for seg sjølv, har ikkje krav på etableringsstøtte.

Par som blir busette saman, og som seinare vel å skilje seg, må dele etableringa dei har fått. Personar som vert busette i bufellesskap, vil når dei flyttar for seg sjølve kunne søke om å få ein sum for å kunne etablere seg utanfor bufellesskapet. Søknad vil bli skjønnsmessig vurdert med utgangspunkt i kva den har, og med tanke om at den busette då kan kjøpe møblar brukt.

Bufellesskap vil sei at ein deler stove og kjøkken med nokon som ikkje er ein del av eigen husholding.

2.1 Møblering

Alle bustader vert etablert med møblar og kvitevarer. Dette står klart ved busetting. Møblane vil vere personen/personane sine private eigendelar og kan takast med ved flytting. Det er utarbeidd lister som ein nyttar ved bestilling for å sikre likeverdig behandling. Dersom flyktningar vel å busetje seg på eiga hand, ved første gangs busetjing, vil dei få utbetalt ein sum på 30 000,- til møblering.

2.2 Kjøkkenpakke

Kvar familie vil få kjøkkenpakke med det mest grunnleggande ein har behov for.

2.3 Hygienepakke og vaskepakke

Overføringsflyktningar vil få hygienepakke og vaskepakke. Denne vil vere kjøpt inn ved busetting. Dette vil være personen/personane sine private eigendelar og kan takast med ved flytting.

2.4 TV og mediemøblar

Det vil stå ein TV i kvart husvære ved busetting.

Etter busetting vert det kartlagt om hushaldet har ei datamaskin. Dersom den ikkje har det vil det bli gitt stønad til kjøp av dette à 4000 kr.

Etter busetting vert det kartlagt om busette frå ungdomsskulealder og oppover har mobiltelefon som fungerer. Dersom dei ikkje har det blir det gitt stønad à 2000 kr pr person til dette.



2.5 Klede, barnehage- og skulepakke

Alle som blir busett får ei oppstartpakke på 4000,- pr person til klede til barnehage og skule. Det vil bli delt ut lister med anbefalingar om kva som bør kjøpast.

Flyktningar som har med seg lite klede og sko vil kunne søke om ekstra stønad på kr 4000,- per person. Dette vil bli kartlagt av busettingsteamet.

3.0 Ventestønad

Ventestønad er eit omgrep som vert nytta av fleire kommunar for å skildra den økonomiske støtta nybusette flyktningar får, i perioden frå busetting og fram til dei har opparbeidd seg rett til sin første utbetaling med introstønad. I Osterøy kommune er denne perioden på 2, 5 til 4, 5 månader. Før ein flyktning kan starte i introduksjonsprogram, er det ein del kartlegging og grunnleggande opplæring som må gjennomførast før oppstart kan skje. Dette tek mellom 1 og 3 månader, og det er ulike faktorar som påverkar tidsbruken. Oppstartsdato er alltid 1. i ein måned. Det er lovpålagt at all utbetaling skal skje etterskotsvis. Osterøy kommune betaler ut lønn og stønad 12. kvar måned. Dette medfører at minumstid på ventestønad for personar som skal vidare på introduksjonsprogram, er 2,5 månader, og maksimumstid er 4,5 månader.

Etterskotsutbetaling av introduksjonstøtte betyr at flyktningen sjølv skal dekke utgifter til husleige, straum, barnehage, SFO, internett, lege, medisin, innebu og bustadforsikring for første gang den månaden første utbetaling kjem på konto. Fram til og med første måned dei deltek på introduksjonsprogrammet, er det ventestøndsreglementet som grunnlag for vedtak om utbetaling.

For dei i aldersgruppa 55 og eldre, som ikkje går vidare til introduksjonsprogram, vil ventestønadperioden vare fram til dei har fått innvilga opphaldstillating over 12 månader.

3.1 Livsopphald

Stønad til livsopphald følgjer NAV Osterøy sine kommunale satsar. I samsvar med Rutinehandbok for NAV Osterøy Sosialteneste skal livsopphald dekkja: mat, eigenandel til lege/medisin, klede og fritidsaktivitetar, telefon, internett, aviser, hobbyar m.m.

Stønaden blir utbetalt på personen sin bankkonto eller ved bruk av kontantkort.

3.2 Husleige og straum

Stønad til dekking av husleige og straum blir gitt i perioden frå busetting og fram til mottak av første introduksjonsstøtteutbetaling. Straumrekninga blir dekkja etter faktiske utgifter. Rekning på husleige og straum skal leverast til Osterøy integrerings- og læringssenter for betaling via fagsystemet. Straumen blir overført til den busette frå og med den månaden dei startar på introduksjonsprogrammet.

3.3 Barnehage og SFO

Det vert ytt stønad til barnetilsyn frå busettingstidspunktet og fram til første introduksjonsstøtte er utbetalt. Rekningane skal leverast til Osterøy integrerings- og læringssenter for betaling via fagsystemet.



3.4 Internett

Internettabonnement blir oppretta når ein får personnummer. Det skal opprettast i den busette sitt namn. Kommunen dekker internett fram til oppstart på introduksjonsprogrammet. Siste rekninga som vert dekkja er første heile månad på introduksjonsprogrammet, men med ventestønad.

Osterøy kommune tek kostnad med å legge inn internetttilkobling der dette manglar i kommunen sine eigne bustader. Ein skal i hovudsak legge inn fiber dersom det blir tilbydd på adressa. Dersom dette ikkje er mogleg bestiller ein trådløst breiband.

I leige bustader søker ein å få WIFI inkludert i husleiga. Dersom det ikkje er lagt inn fiber, vert det bestilt trådløst breiband.

3.5 Stønad til transport

Flyktningen får stønad til transport i perioden dei går på ventestønad. Stønaden vert utbetalt den første kvar månad og dekkjer kostnad for månadskort for alle i hushaldningen.

3.6 Stønad til lege og medisin

Første legetime blir utført på Osterøy helsestasjon og er gratis for alle.

Det vil bli gitt stønad til lege og medisin opptil frikortgrensa dersom ein har utgifter som overstig normalforbruket. Normalforbruk er ein legetime per månad.

3.7 Stønad til høgtid, ferie, dåp og konfirmasjon

Flyktningar som går på ventestønad vil ha rett på stønad til ei valfrie høgtid pr år. Stønadsbeløp vil tilsvare ein vekesats etter kommunal norm.

Flyktningar som går på ventestønad i juli vil ha rett på stønad til sommarferie. Stønadsbeløp vil tilsvare ein vekesats etter kommunal norm.

Flyktningar kan søke stønad til dåp/konfirmasjon. Maksimal stønadssum er kroner 5000,-.

3.8 Stønad til innbuforsikring

Utgifter til innbu og bustadforsikring blir rekna som naudsynt for flyktningen, men Osterøy kommune har ikkje lovgrunnlag til å pålegge dette. Flyktningen vil bli oppfordra til å teikne dette, og Osterøy kommune vil i disse tilfellene dekke det etter søknad.

4.0 Stønader medan ein er deltakar i Introduksjonsprogrammet

Osterøy kommune tilbyr introduksjonsprogram til dei som har rett og plikt til dette, og som er busett i Osterøy kommune. Med busett meiner vi slik dette er definert i Lov om folkeregister, § 5.

4.1 Introduksjonsstønad

Lov om Integrering kapittel 5, regulerer introduksjonsstønaden. Deltakarar i introduksjonsprogram har rett til introduksjonsstønad. Denne er på årsbasis lik to gonger



folketrygda sitt grunnbeløp. Deltakarar under 25 år som bur med ein eller begge foreldra, mottar 1/3 stønad. Kommunen gjennomfører reduksjon i stønad på grunn av ugyldig fråvær i utbetalingane som finn stad 12. kvar måned. Introduksjonsstønad blir redusert i den utstrekning deltakaren har rett til dagpengar under arbeidsløyse, sjukepengar eller foreldrepengar, og retten til disse ytingane er opparbeidd før vedkomande starta i et introduksjonsprogram. Stønad blir redusert tilsvarande for uføretrygd eller arbeidsavklaringspengar vedkomande mottar. Dersom deltakaren mottar overgangsstønad, blir introduksjonsstønad redusert på årsbasis med 40 prosent av den overgangsstønad som overstig halvparten av grunnbeløpet i folketrygda. Barnetrygd og kontantstøtte kjem ikkje til frådrag i stønaden. Stønad blir ikkje redusert på grunn av inntekter av eigen eller andre si verksemd eller som følge av formue. Stønad blir heller ikkje reduser på grunn av mottatt barnebidrag.

I den utstrekning lønna arbeid inngår i programmet, blir stønaden redusert tilsvarande den tid arbeidet tar, jamfør [§ 20](#) andre ledd. Stønad blir redusert krone for krone dersom det er til gunst for deltakaren. Utbetaling skjer etterskotsvis på grunnlag av registrert frammøte.

4.2: Barnetillegg

Flyktningar som er einslige forsørgarar, og deltek i introduksjonsprogram, mottek barnetillegg. Barnetillegget er pr. dags dato på kr. 758,- pr. barn. Summen er lik den ein får utbetalt når ein deltek i kvalifiseringsprogrammet til NAV. Barnetillegget vert utbetalt den 01 kvar måned.

4.3: Stønad til transport

Flyktningen får stønad til transport i samband med deltaking i introduksjonsprogrammet. Stønad vert utbetalt den første kvar måned og dekkjer kostnad for månadskort.

4.4: Stønad til fritidsaktivitet

Osterøy kommune dekkjer ein fritidsaktivitet per barn per år i perioden foreldra deltek i introduksjonsprogram. Kommunen dekker den aktiviteten barnet ynskjer å delta på, som ligg nærast der dei bur.

Osterøy kommune dekkjer utgifter til oppstart i same fritidsaktivitet som vi dekkjer medlemskontingent til. Dette kan eksempelvis vera naudsynt treningsutstyr. Dette blir behovsprøvd etter søknad og ein skal i saman med den busette prøve å finna andre løysningar for utgiftsdekninga først.

Osterøy kommune kan i tillegg dekkja eigenandel ved deltaking på arrangement i samband med utøving av aktiviteten. Dette blir behovsprøvd etter søknad og ein skal i saman med den busette prøve å finna andre løysningar for utgiftsdekninga først.

4.5: Stønad til tannlege

Første tannlege time blir bestilt av busettingsteamet og blir betalt av Osterøy kommune. Det skal i den første timen bli utarbeidd kostnadsoverslag. Osterøy kommune dekker behandlinga som det første kostnadsadsoverslaget anbefalar. Ved behov for vidare tannbehandling, utover kostnadsoverslaget, må flyktningen søke NAV om støtte.



Dersom kostnadsoverslaget er høgare enn kr 15 000,- skal det sendast til rådgjevande tannlege for vurdering.

4.6 Stønad til optikar

Busette får dekkja førstegongs synsundersøking ved behov. Ved særskild behov for briller kan Osterøy kommune dekke briller etter anbefaling frå optikar eller augelege. Innfatning blir dekkja med maksimalt kr 1000,-. Stønad til briller er søknadspliktig.

4.7 Omsetjing av dokument

Det vert gjeve stønad til dekking av omsetjing av dokumentasjon på utdanning/yrkeserfaring. Prosjektlear for busetting skal saman med programrådgjevar gjere ei vurdering av om behovet for omsetjing er reelt, i høve til den busette sin integreringskontrakt og Individuelle plan. Prosjektet skal hjelpe den busette med å sende papir til omsetjing og eventuelt godkjenning hos Direktorat for høgare utdanning og kompetanse (HKDIR).

4.8 Stønad til kurs

Dersom eit kurs vert vurdert som nødvendig for å nå mål i Individuell plan, kan dette dekkast med inntil 5000 kroner pr år i programperioden. Rekninga skal sendast til deltakar, som leverer den til direkte betaling i fagsystemet til Osterøy integrerings- og læringssenter. Kursstønad kan ikkje nyttast til førarkort.

5.0 Saksbehandling

Stønader etter dette reglementet er å rekne som eit enkeltvedtak etter forvaltningslova §2. Klageretten er på 3 veker. Ta kontakt med Osterøy integrerings- og læringssenter dersom du ynskjer å klage.

Endelig avgjerd vert fatta av leiar for Kultur og mangfald.